



Broj: 1-2-50-424-2/21
Banja Luka, 12. 7. 2021. godine

Na osnovu Zakona o slobodi pristupa informacijama u Bosni i Hercegovini („Službeni glasnik BiH“, broj: 28/00, 45/06, 102/09, 62/11 i 100/13), postupajući po zahtjevu iz Sarajeva, Direkcija za civilno vazduhoplovstvo Bosne i Hercegovine donosi:

RJEŠENJE
o pristupu informacijama

kojim se u cjelosti **ODOBRAVA** pristup informacijama pod kontrolom BHDCA

Obrazloženje

Dana 30. 6. 2021. godine Direkcija za civilno vazduhoplovstvo BiH (u daljem tekstu BHDCA), zaprimila je, putem Ministarstva komunikacija i transporta BiH, zahtjev za pristup informacijama upućen Ministarstvu komunikacija i transporta BiH u kom traži:

„Obzirom da je Vijeće ministara BiH na 38. sjednici održanoj 26. 5. 2021. godine usvojilo Zaključak: „Vijeće ministara BiH utvrdilo je Prijedlog odluke o ratifikaciji Sporazuma o delegiranju odgovornosti za pružanje usluga u zračnom prometu između Vijeća ministara Bosne i Hercegovine i Vlade Republike Srbije i Vlade Crne Gore, koji će Ministarstvo vanjskih poslova BiH dostaviti Predsjedništvu u daljnji postupak ratifikacije.

Obzirom da je Zaključak usvojen jednoglasno i da se radi o prvom i jedinom takvom Sporazumu koji je usvojen od kako postoji država Bosna i Hercegovina.

Obzirom da je prošlo čak dvadesettri godine od rada domaćih nadležnih institucija i obzirom da su te državne nadležne institucije dana 4/5 12. 2019. godine proglasile preuzimanje odgovornosti za pružanje usluga na cjelovitom vazдушnom prostoru države molim da mi dostavite sledeće podatke:

1. Na osnovu kojih Zakona ili bilo kojih drugih propisa ste se odlučili da na navedenoj sjednici glasate za ratifikaciju ovog Sporazuma obzirom na Odjeljak 111, tačka 1, pod jj Ustava Bosne i Hercegovine kao i važne činjenice da će susjedne države kontrolisati bh vazdušni prostor iz svoje teritorije, vojnim radarima što je grubo narušavanje suvereniteta i teritorijalnog integriteta Bosne i Hercegovine,
2. Na osnovu kojih Zakona ili bilo kojih drugih propisa ste se odlučili da na navedenoj sjednici glasate da sudovi drugih država budu nadležni na teritoriji Bosne i Hercegovine kako je to regulisano tačkom 11 usvojenog Sporazuma,
3. Ovaj saziv Vijeća ministara je svake godine usvajao Odluku o raspoređivanju sredstava dobiven od en-ruta taksi u kojoj je svaki put regulisano da se daju ogromna sredstva institucijama susjednih država jer oni, navodno, pružaju usluge u našem vazдушnom prostoru pa je interesantno objaviti javnosti na osnovu kojih zakona i drugih propisa ste glasali, za usvajanje takvih Odluka kada nije bilo niti jednog važećeg Sporazuma sa susjednim državama.
4. Posebno je interesantna zadnja Odluka o rasporedu sredstava dobivenih od en-ruta taksi za 2020. godinu kojom se izostavlja plaćanje Republici Srbiji i Crnoj Gori, a plaća se drugom susjedu Republici Hrvatskoj. Na osnovu kojih Zakona i drugih propisa ste, također glasali za tu i takvu odluku obzirom da se iz Odluke izostavljaju sve susjedne države osim Hrvatske“.

Postupajući po navedenom zahtjevu, a na osnovu člana 11. stav (4) i člana 14. stav (2), alineja c) Zakona o slobodi pristupa informacijama u BiH i dopisa Ministarstva komunikacija i transporta BiH br. 01-50-2-2924-1/21 od 28. 6. 2021. godine, u kom navode da nisu nadležni za postupanje po zahtjevu u dijelu koji se odnosi na pitanja br. 3. i 4, odlučeno je kao u dispozitivu ovoga rješenja, te Direkcija za civilno vazduhoplovstvo BiH podnosiocu zahtjeva dostavlja informacije tražene u pitanjima br. 3. i 4:

3. Osnov za donošenje Odluke o raspoređivanju prihoda ostvarenih po osnovu pružanja usluga u vazdušnoj plovidbi (rutne naknade) u vazdušnom prostoru BiH u 2020. godini je „Sporazum o prenosu odgovornosti za pružanje usluga vazdušnog saobraćaja u dijelu vazdušnog prostora Bosne i Hercegovine“ (Agreement on the delegation of responsibility for the provision of the air traffic services within a portion of the airspace of Bosnia and Herzegovina) potpisan između BHDCA i Hrvatske kontrole vazdušne plovidbe (Croatia Control Ltd) koji je BHDCA podnosiocu zahtjeva dostavila uz Rješenje, br. 1-2-50-205-2/21 od 26. 3. 2021. godine, a koji nije stavljen van snage. Na osnovu pomenutog Sporazuma Hrvatska kontrola zračne plovidbe i dalje pruža usluge u manjem dijelu vazdušnog prostora BiH, te u skladu s tim učestvuje u Bazi troškova BiH sa dijelom svojih troškova. U skladu s navedenim, uvrštena je u Odluku o raspoređivanju prihoda ostvarenih po osnovu pružanja usluga u vazdušnoj plovidbi (rutne naknade) u vazdušnom prostoru BiH za 2020. godinu

4. S obzirom da je isti Sporazum BiH potpisala 2000. godine sa Agencijom za kontrolu vazdušnog saobraćaja Srbije i Crne Gore (SMATSA) (tada Savezni organ kontrole letenja Savezne Republike Jugoslavije – FATCA), te imajući u vidu činjenicu da SMATSA od decembra 2019. godine, zbog specifičnosti granične linije i funkcionalnosti obavljanja usluga, pruža usluge u manjem, pograničnom dijelu između država, za koji ne ispostavlja troškove Bosni i Hercegovini, ova agencija nije navedena u Odluci o raspoređivanju prihoda ostvarenih po osnovu pružanja usluga u vazdušnoj plovidbi (rutne naknade) u vazdušnom prostoru BiH za 2020. godinu.

U skladu sa članom 16. Zakona o slobodi pristupa informacijama u BiH, podnosilac zahtjeva oslobođen je plaćanja taksi i naknada.

Uputstvo o pravnom lijeku:

Protiv ovog rješenja može se, u roku od 15 dana od dana prijema rješenja, podnijeti žalba Žalbenom savjetu pri Savjetu ministara BiH, kao drugostepenom organu i prigovor Ombudsmenu za ljudska prava BiH.

Dostavljeno:

-
71 000 Sarajevo
- a/a.

Generalni direktor
Čedomir Sušnjar

